

Universitätsbibliothek Wuppertal

Pauli Manutii Epistolarum Libri XII

Manuzio, Paolo

Lipsiæ, Anno 1698

Aldus Manutius Pauli F. Aldin.

Nutzungsrichtlinien Das dem PDF-Dokument zugrunde liegende Digitalisat kann unter Beachtung des Lizenz-/Rechtehinweises genutzt werden. Informationen zum Lizenz-/Rechtehinweis finden Sie in der Titelaufnahme unter dem untenstehenden URN.

Bei Nutzung des Digitalisats bitten wir um eine vollständige Quellenangabe, inklusive Nennung der Universitätsbibliothek Wuppertal als Quelle sowie einer Angabe des URN.

[urn:nbn:de:hbz:468-1-875](#)

ALDUS MANUTIUS

PAULI F. ALDIN.

STYLO quoque, patre domestico exemplo
incitante, valuit, & conditione, ingenio-
que non mediocri, ut, ut rarum id, & inu-
sitatum posteris fore existimem, in una eademque
Manutiana familia tres continenter, Filium, Pa-
trem, & avum doctos homines repertos & elo-
quentes: quandoquidem & binos si reperias, obstu-
pescas, & prodigiī simile videatur; quod ferē (ut
vetere verbo dicitur) heroum filii noxæ sint, &
magnorum virorum liberi à paternis plerumque vesti-
giis degenerent, ut, ne longius abeam, de M. Tulli
Ciceronis Filio poculis dedito memoriam proditum
à Seneca Rhetore, & C. Plinio accepimus: qui cum
acerrimo patris hoste ac percussore M. Antonio po-
tando certans, paternam spem omnem relictæ glo-
riæ exspectationemque decoxit.

Aldus vero formulas seu Phrases adolescens, re-
stèque scribendi rationem, quam orthographiam
Graci nominant, patre præente posteris utiliter
reliquit: illas quidem è Cicerone & Cæsare, hanc
vero marmoribus, nummis, Grammaticis, & Græ-
câ scribendi consuetudine concinnatam. Cice-
ronis quoque Philosophica, quam partem leni-
ter attackat pater reliquerat, Commentario hinc
inde illustravit, ediditque Venetiis: ubi ductâ uxore
discessit, & Bononiae primùm Caroli Sigonii (bo-
ne DEUS qualis viri!) locum professionemque

non diu tenuit: mox Pisæ commigravit, & magni
Etruriæ Duci res domi forisque gestas vernaculae
conscriptis. Romam inde Xisto V. Pontif. migra-
vit, & in Sapientiæ gymnasio professus sub Cle-
mente VIII. doctoris personam sustinuit, sed ut

Spectares raro nantes in gurgite vasto.

Nec enim disertus erat, memoria perexigua, ut
de scripto ferè dictaret. Tandem ab eodem Cle-
menti Pontif. in aulam Vaticanam accitus typog-
raphicis operis corrigendis præfuit, obiitque an-
no, opinor, cl. I. XCVII. relictæ Pisanæ Acade-
miae Bibliotheca octoginta millium librorum, ut
gloriabatur, numeratis etiam minimis. Scriptæ
nonnulla quæ referre opera pretium fuerit.

Phrases linguae Latinæ, ad stylum formandum
perutiles.

De Orthographia opus ingens cum veterum in-
scriptionibus, ejusque Epitomen saepius instauravit,

In Ciceronis Officiorum libros, cæterosque li-
bellos Commentarios.

Item in Philosophicos libros omnes, in Acadé-
micas & Tusculanas quæstiones, de Legibus, & de
universitate è Timæo Platonis.

In Cæsaris Commentariorum libros omnes No-
tae.

In Salustium Scholia, & fragmenta.

In Vellejum Paterculum, & Censorinum de die
natali Notæ.

In Horatii artem Poëticam, Annotationes & in
Odam lib. quæ de laudibus est rei rusticæ.

De quæstis per epistolam argumenta varia.